



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Sacerdotale & Clericorum Specvlvm Insigni Pietatis Ac Devotionis Supellectili exuberans

Kinckius, Matthias

Coloniæ, 1662

Quæ circa communionem observanda,

[urn:nbn:de:hbz:466:1-46628](https://nbn-resolving.org/urn:nbn:de:hbz:466:1-46628)

licet & in rubeo, ritè ac legitimè conficiatur, propter Purificatoria tamen, & alia lintea, quæ subinde casu vino asperguntur, & maculis indè concipiunt, quæ nulla amplius arte elui possunt, albo uti consilius est) recens quoque de dolio promptum esse decet. Vnde periculosum est, vinum pro sacro à Cauponibus, hæreticis præsertim accipere, qui ut plurimum illa, quæ pridie ex Symposio relicta, & in unum hinc inde congesta, obtrudere solent. Quare satius erit, è proprio vase vina ad sacrificandum promere. Sin verò inopia loci, vel Ecclesiæ; alijsvè de causis propria vina non habeantur, & ex hospitio illa tam pro Sacrificio, quam populi Communione petere omninò sit necessum, curet Parochus, vel cui hoc incumbit, ut minister qui vinum adfert in cellam vinariam certè descendat, & oculos vinum ex vase non aliundè depromi, testes adhibeat.

*QVÆ CIRCA COMMVNIONEM
observanda.*

Contingit nonnunquam in numeroso Communicantium concursu, plurimos
eosque

eosq; non leves committi errores, quapropter Parochi seu alij Sacerdotes, qui populum frequentem, ut in Paschate accidit, communicant, solliciti sint, ut omnia ritè, decenter ac devotè peragantur, particulæ in vasculis non super Corporale nudum consecrentur.

Instante autem jam Communione, & luminibus quæ in elevatione sanctissimi Sacramenti accendi solent, vel pluribus etiam, pro Ecclesiarum more & facultate, accensis, non abs re erit, præsertim tempore Paschali & in Villis vel Pagis, ubi rudior est populus, exhortatiunculam brevem, qua præterea, quæ cuilibet in Confessione hæc de re dicta sunt, in communioni omnes in re tanta, officii sui, fidei, humilitatis, devotionis, ac præsentis mysterij sacri dignitatis adventantis hospitis, maiestatis, aliorumque huc spectantium admoneantur, præmittere.

Locus Cõmunionis ita sit præparatus, ut quilibet communicans, dum Corpus Christi de manu Sacerdotis ore excipit, cõmodè & decorè genua flectere queat.

Vasculũ in quo sunt Hostiæ consecratæ, capi debet à Sacerdote, iunctis pol-

lice

lice & indice manus sinistrae: quod si tota manu, apertis & in pugnam reductis digitis (id quod tutius multò in magnâ præferrim communicantium multitudinè, & si vasculum Eucharistiæ maiusculum sit, videtur) capere malit, dictos duos digitos, priùs in Calicem abluat, & Purificatorio abstergat.

Curet etiam Celebrans, ut Diaconus & Subdiaconus) ubi haberi possunt, solent & debent) sibi tunc accuratè ministrent, vestes sacras sublevando, brachia sustentando, patenam ori communicantium subjiciendo, &c. Caveat autem Sacerdos, ne Cõmunicantium halitus vel suspiria, vase vel Ciborio excipiat, ne aliqua ex hostiis sufflatu ejiciatur.

Sub Communicantium ore, Cancelli ad quos flectunt, alba, munda, & oblonga mappa, sint strati: vel ubi illi nõ sunt, aut commodè fieri nequeunt, duo hinc inde ministri Clerici, si haberi possunt, vel saltem scholares seu alij pueri ad hoc à Parochis instituti, eandem extensâ teneant, ut si casu aliquo hostia sacra excustodia, manu Sacerdotis, vel Cõmunicantis ore excideret, illa tela Religiosè; ne in terram decidat, excipi possit.

Si

Si verò Hostia, vel in Missa sanguis in terram, mappas vel liateca cadat, seruentur Rubricæ Missalis Romani præmissæ.

Peracta Communione Sacerdos micæ sacras, quantumcunque minimas, quæ visum non effugiunt, unde quaque maximo studio colligat ac sumat, quas ut tutius, vel etiam aliquando superfluas hostias, sumere, alijs vè casibus commodius occurrere queat, communionè populi post sumptum Calicem, ante omnem abluionem, quo ipse ieiunus remaneat, instituet, qua absoluta, abluionem ante in Calice relictæ sumat, digitos abluat, & reliqua ex more peragat.

*DE COMMUNICANTIVM ABLV-
tione.*

Ablutio, quam singulis post modicum intervallum à sumpto Domini corpore, offerri convenit, ex Calice (ut hactenus multis locis ob scandalum scilicet & errorem in plebe vitandum, non rectè est solitum) dari non debet, sed vel ex Cyatho argenteo, vel inaurato, Calicis figuram neutrquam imitante, & ad hoc specialiter confectio: vel certè ex poculo vitreo,